

影印
文淵閣

四庫全書

影印

文淵閣四庫全書

第一二三七冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

虛舟集

明王偁撰……………一

王舍人詩集

明王紱撰……………八一

附錄

泊菴集

明梁潛撰……………一七七

毅齋集

明王洪撰……………四三一

頤庵文選

明胡儼撰……………五四五

青城山人集

明王璉撰……………六八一

欽定四庫全書

集部

虛舟集卷二

詳校官國子監司業_臣納麟寶

中書_臣劉源溥覆勘

總校官原任_臣王燕緒

校對官中書_臣康儀鈞

謄錄監生_臣戈廷模

欽定四庫全書

集部六

虛舟集

別集類五明

提要

_臣等謹案虛舟集五卷明王偁撰偁字孟揚

永福人元潮州總管翰之子翰于明初抗節

死偁生甫六齡其母教之讀書以弱冠領鄉

薦乞歸養母成祖即位徵至京師授國史院

檢討充永樂大典副總裁坐解縉黨下獄死

欽定四庫全書

虛舟集
提要

為諸體詩共五卷前有王汝玉序又有解縉

序二首一題虛舟集一題其文集而弘治六

年桑懌序則為袁州守王世英翻刻虛舟集

而作不言其別有文集蓋當時已失傳矣集

末附續書評及自述誄各一首偁與解縉友

善其才氣學問約略相似故縉亦極推許之

卒同被讒譖以死然縉詩頗傷刺直若偁之

恬和安雅殆為勝之自述稱服羣聖獵百家

窮幽明每遇登高弔古慨然發其悲壯愉樂

一寓于文若詩其命意亦殊不苟故集中若
感寓諸作規撫拾遺詠史數篇步趨記室將
進酒行路難等亦頗出入于太白歌行雖未
必盡合古人而一鱗半爪隱現雲端固不止
于衣冠優孟也乾隆四十四年八月恭校上

總纂官_臣紀昀_臣陸錫熊_臣孫士毅

總校官_臣陸費墀

虛舟集原序

立言豈易易哉況聲成文之謂詩詩又言之精者揚子
雲曰雕蟲小技壯夫不為誠知言也是故必有超逸絕
倫之姿雄渾浩博之氣精深明徹之見源委淵懿之學
然後可以挾風騷之體備衆論之長出而鳴一代之盛
焉斯豈易易哉三百篇尚矣漢魏以降迄於宋元其間
聲律之變雖有不齊而卓然成家者莫不由是不由是
者不足以傳之遠也若夫翰林王孟揚者信乎可以繼

前人之風相與角立於百代之下者乎孟揚之詩其趣
高其調逸其詞雄其學富出入漢魏盛唐不為近代之
語真傑作也抑何由而致是哉余聞培之深者發之茂
積之廣者出之沛蓋孟揚幼生閩粵間負英邁之姿席
先世之澤閉門讀書逾二十年又聞多君子孟揚得師
友之助其所資所養者豐矣比其出遊也觀濤於浙江
弔禹功於震澤入京師見都城之雄偉宮闕之壯麗府
庫之充實九夷八蠻之會同官翰林耳目所接莫非朝

廷之典章一代之制作政教所布號令所施或或乎且得屢預國家大事入侍講筵身親禮文之盛及奉命親藩泛洞庭留長沙探古蹟於名山川又浮沅湘歷九疑從大將軍觀兵交趾極於南表胸中亦汪洋博矣宜其吐為辭章超卓凌轢不自知也昔司馬子長生龍門講道齊魯之鄉東上會稽探禹穴北適燕趙與其豪俊子弟交遊故其文雄深雅健跌宕不羈孰謂孟揚之於詩不由是歟雖然士生幸遇光霽之氣全則其發於言

欽定四庫全書

虛舟集
原序

者敦實渾龐得性情之正予老而無能為矣繼清廟生民之什以鳴國家之隆者非孟揚誰望焉俾叙其集於是乎書永樂辛卯歲孟春左春坊右贊善兼翰林院編脩前脩國史吳下王汝玉序

永樂初勅脩金匱石室之書繼是復有大典之命內外儒臣及四方韋布士集闕下者數千人求其博洽幽明洞貫今古學博而思深如吾太史三山王君孟揚者不一二見然孟揚之為人眼空四海壁立千仞視餘子瑣

瑣者不當卧之地下以是名雖日彰謗亦隨之余每擬薦自代不果且孟揚視功名泊如每有抗浮雲之志期在息機與物無競故其集以虛舟名亦可見其志焉余且第其人品當在蘇長公之列文之奇偉浩瀚亦類至於詩則凌駕漢唐使眉山見之未必不擊節嘆賞思避竈而場此余之論孟揚者如是他人未必知也孟揚在翰林越三年不欲示其長於人然一遇知己輒論古今成敗人物賢否政事得失治道升降則目如曙光辨如

欽定四庫全書

虛舟集
原序

懸河真若起千古而立於獨者孟揚固不欲專以文名越石父有言士絀於不知已而伸於知己余其有負於孟揚哉余其有負於孟揚哉握手都門出其集徵予言遂敬書以復之永樂丁亥春翰林院學士兼春坊大學士國史總裁廬陵解縉書

天之文地之文人文與生俱生者也皇太昊之作書契畫奇耦名乾坤別坎離文字著矣黃帝帝放顓帝重華君臣擴而充之爾至素王大備焉六經卓矣後千百年

太史遷昌黎伯歐陽公有以窺其蘊於是文人之文作焉當其時漢則揚雄班固和之唐柳宗元李翱皇甫湜和之宋蘇軾曾鞏和之繼斯文之作倡以和者夫豈無其人乎今孟揚王君之作其庶幾乎君靈武之世家也其先君守湖州死義於勝國母夫人守節自誓教之其外大父秘書公尤博學知名當時君皆不及事之自知讀書為文兩家善慶所鍾也君生於閩弱冠舉進士來京師陳情歸養太祖高皇帝憐而許之退而家居定省

欽定四庫全書

虛舟集
原序

四

之暇扁舟載月左右圖書從遊者數人淪清泉而剝丹荔也人望之如在天表其視區區世俗之淺者為何如哉聖天子龍飛初求斯文之瓊傑近臣爭言君使使聘之至待以殊禮坐之黃閣之下日傳其議衣冠甚偉衆見皆靡又輒自陳願退學校以宏斯文之化即日有詔擢國史院檢討以布衣授是官異數也而君逡巡其間如在高帝時由其文章足以自娛得乎內者重而待於外者輕自期者甚遠而於斯文亦莫能窺其所至也蓋

其新足以濯天下之陳腐其雄足以振末流之頽靡其清足以汰奕世之污濁其密也足以通羣聖之蘊奧貫而一之也洗沃日月若引江海而上之挽河漢而下之霖雨九土也浩乎養氣之盛析理之精充乎宇宙而洽幽明包乎六合之外也其可以世俗之淺淺者觀之哉其可以世俗之淺淺者觀之哉其真有見於素王之卓爾而欲罷不能者歟翰林學士兼左春坊大學士國史總裁廬陵解縉書

欽定四庫全書

虛舟集
原序

五

重刊虛舟集序

閩之三山世英王先生初為名進士入翰林為庶吉士授地官主事擢副郎出守袁州以文章學行發為政事其豈弟有循吏之風威重得大臣之體公暇尤留心文事慨其鄉有王君孟揚素以文名當世欲翻刻其虛舟集而乞予言以升諸首予觀孟揚之文上有續書評其文如宜僚弄丸左之而右右之而左皆縱橫如志至如西域神馬過都歷塊微有蹢躅之感怨而不怒信能言

欽定四庫全書

虛舟集
原序

士哉孟揚在當時名聲藉甚早擬巍科為翰林院檢討入侍經筵及總裁永樂大典同大將軍英國公觀兵交趾而歸竟以非辜囚繫而死夫謗之與譽相為倚伏觀吳下王君汝玉評孟揚詩入陳拾遺李謫仙堂室廬陵解君縉謂其詩凌駕漢唐使眉山見之當避竈而煬準二子之所言則當時盛譽可知其譽如山則其謗如海孟揚生死榮辱所繫如此且言欲其立不必出諸口行欲其修不必踐諸身此則天下大同之世淳風之散久

矣相異則忌相忌則嫉嫉之之深則無所不至焉士君子易處世哉締觀古人逃智以愚去慎為狂以長嘆而了萬變託沈酣以冥萬象雖皆失乎中行原其欲藉是以免世情或可恕也如范滂阮籍之流不失為狂狷之士有道之世成就之拂拭之當有一割之用或退處丘壑友務光而拉文伯亦足成其名於後世何至舉世無所依範任其性之所至而為一偏之歸況使之不得其死耶孟揚臨終有自誄詞一篇與陶淵明秦少游自挽

欽定四庫全書

虛舟集
原序

詩意同得陶之曠達兼秦之悽愴讀之至今使人淚下而不禁昔之置孟揚於死地者今復何在徒足以來千古之唾罵果有賢守如先生者為表章其言以傳不朽者乎君子觀此則知欲有所立不可畏世而不修而世之欲擠君子者計其必馨香於後世凡不究其用與夫不安其生者皆足以為治代治化之累而已之罪恒不原則亦可以少戒以成身與世之美者矣孟揚父友石山人仕元為總管國朝死節先生并刻其詩亦屬予為

之序弘治六年重陽前二日柳州府通判思玄居士東
吳桑悅民懌書

欽定四庫全書

虛舟集
原序

三

欽定四庫全書

虛舟集卷一

五言古詩

明 王偁 撰

感寓

吾聞上古初渾灝本一氣義皇肇人文龍馬颯已至軒
鴻垂衣紳唐虞臻至治有巢遜以遠黼黻日云貴自從
蒼姬還玄酒薄真味鳳衰其如何寥落匪一世

欽定四庫全書

虛舟集
卷一

一

其二

雙精激飛輪循虛節驚至逝川無迴波千秋倏如駛浮
生日及榮孰與喬松齒君看邱山墳累累正相似鵲鳴
羣芳歇大暮同歸矣誰知清濁間中有恒不死

其三

圓魄載陽燄終古無虧盈因人示肫肫側見死與生蟾
蜍薄陰采顧兔潛其形何當凌倒景一覩天地精

其四

璇穹垂至象衆曜何煌煌能符調庶極帝車幹陰陽晝
夜無停機所職各有章蒼精奉東壁神虎屯西央淵淵
北辰尊穆爾居其方司契古有成無為位彌昌

其五

素琴絙朱絃中有流水音連城為之彈太息發哀吟仙
人空中來鸞鶴翔幽岑斯意不可述江漢清且深

其六

中空發駕辯清聲間陵阿鄭客一在坐自以延露和至

欽定四庫全書

虛舟集
卷一

二

音久寥寂空靡世共歌俚耳不可尚竿瑟將奈何

其七

驅車首陽下望古懷清芬斯人久已化令名今尚存讓
國就倫命殺身以成仁如何有千駟寂寞身無聞

其八

端居閱元文云是古苔編中有羽化術煉服可延年中
夜養玄牝積虛成自然朝餐沆瀣糧夕飲玉醴泉東邀
青童君西揖金母前笑攀若木枝頗見昆吾顛茲事苟

不繆吾將命求旃

其九

真人趣恬澹漠爾中若浮無心亦無為日與至道游羣
生接為構水火鬪不休軒轅赤水珠須以象罔求寥寥
六合間可以命虛舟

其十

太白夜食昴流輝燭天街精感動穹漢君心寧見懷白
璧忌暗投徒使按劍猜所以狂接輿鳳歌歸去來

欽定四庫全書

虛舟集
卷一

三

十一

玄穹貯幽默至理何寥寥良竄潛一機迴薄如旋飈嬌
嫵孰妍媸殤眚詎遑遑張生既中廢單子亦外彫所以
塞北翁頗識理亂條云胡徇物者汲汲徒內焦咄哉感
吾衷長歌且行謠

十二

龍虎啟晉伯熊羆兆齊封豺聲餒教鬼牛禍成庚宗廢
興自古來吾將訊其蒙蒼昊本何心至理元冲冲

十三

羸皇魘威武漢帝非仙才玄關祕靈府何處求蓬萊終
遺鶴池壁空獻新垣杯但見三泉下寶衣變寒灰

十四

大庭昔酣醉遺此鈞天章遂令鵷首墟虎視吞八荒羸
基苦莫敦所恃逾兇狂詭命終見奪百二空蒼涼

十五

金行昔馳馭邊馬窺神州詩張厭神鬼狂恣輕王侯蹴

欽定四庫全書

虛舟集
卷一

四

踏五都裂穢濁三精收上天實禍淫所佑在祥休豈伊
否泰運一氣恒相道經過覽故墟落日黃雲浮冥穹不
可訊涇渭方安流

十六

商君挾三術西遊詫秦君上陳帝王畧邈已寧見珍陽
春信寡和下里迺得親孔轍七十週信哉無停輪我有
縈絃思區區向誰陳

十七

番番南昌尉不知名位卑上書抱區區忠懇何由知靈
鳥鳴朝陽莫為世所希終然吳門市散髮招鷗夷

十八

蚩尤卓長空漢兵出陰朔材官三十萬旌甲蔽墟落長
驅破輶輶萬里靖寒廓朔南無王庭功成衛與霍誰知
青塞月白骨照沙漠

十九

元精格至理寂感通幽明造化雖甚微焉能外吾形飛

欽定四庫全書

虛舟集
卷一

五

霜激齊臺振風揚楚庭庶賤尚復爾況與至道并聖功
極中和二儀為清寧緬彼歸昌音何時復來吟

二十

秋風肅萬物嚴霜下空庭不惜百草晚惜此蘭蕙傾祥
麟一朝羈尼父為涕零大運固莫測聖哲那能營容成
安往哉遠跡良冥冥

二十一

艷色不足貴所貴在適時昭君傾國容遂為丹青欺蛾

眉嫁絕域一往不可追至今青塚月夜夜令人悲

二十二

玉麗不盈把德輝照四隣段生日偃卧迺能蕃衛君澆
風薄士節自碎明月珍求蟬貴明火俛仰懷古人

二十三

閑居嬰世媒局束無安步石火流狂飈憂來鬢成素誓
言濯吾纓釋此出門去臨流弄滄浪升丘引遐顧仰羨
雙飛鴻肅肅在雲路

欽定四庫全書

虛舟集
卷一

六

二十四

蘭以薌見楚膏以明自翦高才信非美賢智成禍愆龔
生蹈偉節楚老有遺言清風雖可希惜哉天天年

二十五

直木忌先伐甘井忌先竭何為抱區區昭如揭日月至
人善閉闕埋照慎不發入獸不亂羣虛舟任超越裏壁
迷帝軒汾陽枉堯轍棲心玄靈臺可與人世絕

二十六

春至百卉生感我池上情折芳玩新綠臨風為誰榮蠲
忿樹合歡忘憂樹萱草忿蠲憂亦忘希夷自為寶

二十七

幽居玩羣生小大俱物役嗟嗟羽族微擾擾亦何極鷄
鷄共聯羽精衛勞木石何如三青禽翹尾戴勝側

二十八

庖丁擅操割目行神為虛三年無金牛投刃劃有餘淵
情妙至理豈受外物拘冥筌苟不棄安能得神珠

欽定四庫全書

虛舟集
卷一

七

二十九

凌晨採琅玕泝彼洛水涯翛然有神遇綽約間令姿授
我以珮環却致交甫辭艷色豈不姣贈賂良亦稀但恐
結綳好中道有所虧

三十

天天園中桃灼灼映綺窓窓中有織婦顏色如青陽三
年弄機杼七襄成報章成章欲何為願以充君裳但恐
不見察徘徊空感傷

三十一

絲條蘊徂謝清宮
煤炎寒涇陽擅秦寵
豈得常交歡一朝成
遠間斂怨東出關
昔日天桃花今同秋
草殘所以龍陽魚
痛哉涕汎瀾

三十二

富貴千里合貧賤
促膝離骨肉尚云爾
何況他人為不覩
寶門士請看蘭庭
綦翟公何為者謝
客無乃遲

三十三

欽定四庫全書

虛舟集
卷一

八

祈龍敏辯給惠施
夸便僂竹書信激
詭堅白方自賢騰
口徒見尤胡能事
幽玄九州誰復徵
多方亦已然去矣
桃李蹊予將欲忘
言

三十四

翩翩遊俠子出入
咸陽城千金買意
氣五陵交弟兄袖
中徐匕首拂拭秋
霜明十步殺一人
千里不留行世人
矜勇智中貴聯芳
聲末路賤行檢此
輩方縱橫至今季
布死尚識朱家名

三十五

拂檻引菱荷當風
和激楚皓齒揚修
蛾清尊閒芳俎三
川美少年五陵游
俠子取樂不知疲
但畏韶光阻焉知
董生惟妙心在千
古

三十六

我有太阿劍龍文
翠奇章精光動星
斗揮霍迴陰陽淬
以金鵬鵠衣之古
盤囊夜深雷雨驚
恐逐風雲翔剛明
易點缺貴能斂其
銍用之如發硎保
之在深藏去去勿

欽定四庫全書

虛舟集
卷一

九

復道相期霄漢長

三十七

齧膝志萬里蘭筋
何權奇長鳴一見
馭蹀躞遺風追伯
樂苟不值曠世誰
能知離離玉山禾
曷慰渴與饑八龍
眇何許究足長相
隨

三十八

東園桃李樹灼灼
春妍華佳人不再
摘芳意其如何白
日每不退流光竟
蹉跎大運苦難遇
感此哀情多

三十九

孤鳳久不食所志金琅玕喧呼百鳥中東翮斂羽翰會
當覽德輝飛下青雲端虞廷方見待阿閣當空盤誰令
抱威儀局促風雲間

四十

宋人得燕石自謂璫與珎徒勞什襲重見哂周大夫流
俗久繆誤美價恒異沽所以卞和子抱璞空長吁

四十一

欽定四庫全書

虛舟集
卷一

十

公軒處懿鶴白屋譏千秋菰菹盈高閣申椒掩荒陬頽
頽東方生虛為歲星遊方將猿鶴化豈為沙蟲謀歸從
紫泥海再弄青淺流

四十二

照影莫唾井種葵莫傷根傷根葵不生唾井隳明神樂
生北去趙由余西霸秦壯士感知已鄙人懷私恩止止
且勿哀千秋黃金臺

四十三

昏壁中始見烈風號北林飄飄遠遊子中夜抱單琴鯨
音激楚奏清商悲越吟豈茲異鄉感兼之年歲侵胡為
苦行役薄暮猶駸駸

四十四

四時有代謝千古誰成功昔時東陵侯今日瓜田中雄
劍且勿悲凱順天地同武安豈不偉掩關終何庸

四十五

桂樹生高嶺揚芬散天風濯濯甘露滋泠泠被芳叢託

欽定四庫全書

虛舟集
卷一

十一

根既得所衆卉羞與同幽蘭獨何為顛顛荆棘中

四十六

楚夫重鵠夷詫作丹穴翹鸞飛東南至文羽不見邀一
鳴旭日升再弄律呂調簫臺有練實去去翔遐霄

四十七

世人競功利志得靡暫寧邠生事薄遊匆匆懷蘭馨游
心不滯物泛若浮雲輕豈徒漆園傲百世同高情

四十八

微禽變淮海流光遷驚湍人生豈不化徒結千載歡昔
為金虎臺今見荆棘攢碧海不可蹈紫闕邈難攀誰邀
大丙馭去覓無窮山

君子行

君子勵苦節恒在造次間造次苟不念履霜成冰堅邪
蒿豈不美惡木豈不繁雖勞亦不息雖飢亦不餐顧此
風尚乖濁涇溷清瀾勝母里不入朝歌邑還轅往哲有
明戒君子防未然

欽定四庫全書

虛舟集
卷一

十三

長安有狹斜

長安有狹斜車馬相馳驅被服紈與素賓從閒且都金
章何煌煌旄節照四衢借問從何來云自許史廬炙手
手可熱炎涼在吹噓豈無範驅子亦有步矩儒一身困
蓬藜終歲空嘯嘯秉躬信如矢不悟世道迂在昔弦與
鈎封侯死道隅寧知此狹斜徑捷良可趨微生頗有尚
夙志誓不渝念無此容顏策蹇旋吾車

野田黃雀行

黃雀何翩翩羣飛野田側飛鳥自相呼飲啄仍共適誰
知遊俠子張丸事彈射腥驅薦鼎俎腐壤委毛翮微物
何足甄感念在疇昔蔡侯富遊盤行樂方未極安知子
發至一旦殞其國至哉莊辛談可以長太息不觀黃雀
哀千秋復何益

結客少年場

玉勒驕驕寶刀耀星芒相逢關雞里結客少年場探
丸殺公吏白日醉咸陽司隸不敢捕意氣凌秋霜一朝

欽定四庫全書

虛舟集
卷一

十三

許報國投驅赴邊疆蹀躞匈奴庭萬人不敢當彎弓射
月支斬首得賢王歸來不受賞出入金殿旁輕脫季布
死却哂鼎政狂鄙哉汗陽石不使俠傳芳

今日良宴會

三川富豪雄濟濟美少年驩遊及芳歲鞍馬何翩翩奏
箏奏新聲妙舞妖且妍今日良宴會意氣如雲煙人生
若朝榮灼灼寧久鮮無為坐坎壤流光悲逝川

置酒高堂上

置酒高堂上豐廚出鮮肥廣筵羅衆賓清尊間蛾眉羽
觴若流星絲竹清且悲陽阿屢迴雪激楚超蘭猗畫盡
繼以燭取樂良未涯流連豈不荒所慎白日移一朝委
山丘琴瑟將奚為嗟彼蟋蟀詩無為世所嗤

車遥遥

車輪何遥遥西上長安道不見車中人空悲道傍草君
行日已遠恩愛難自保憂來當何如一夕夢顛倒豈無
中山酒一洗我懷抱但恐三春華顏色不再好車聲何
飀飀風吹馬蹄塵願隨馬蹄塵飛逐君車輪

欽定四庫全書

虛舟集
卷一

十四

苦別離

瑤瑟對玉卮中有千萬思欲彈再三嘆多是苦別離妾
顏如秋華零落方在茲君心如逝水一去無迴時皎皎
雲間月幾見圓復缺月缺有圓時君胡苦別離

步虛詞

東華青陽君授我寶篆文六角星芒讀之了不分謂
之蕊珠篇玉檢得空云持此可度世出入齊化鈞再拜

服至言歸來嗽芳芬火粒一排棄永此偕仙真

其二

卿雲爛冲霄祥景啟大羅紫微穆虛皇太清為我家鏘
鏘八琅璈和以希夷歌一氣但浮衍至道良不頗頻觀
區中緣蜉蝣競春華天濁不自愛真意其如何

其三

精心仰真範稽首朝玄都祥氛結靈宇雙闕浮太虛離
羅古仙人羽駕紛來趨冥言感至理道化超羣無口吟

欽定四庫全書

虛舟集
卷一

十五

三洞章身佩五嶽圖真詮諒斯在邈矣浩劫初

其四

瓊臺瑤圃西弱水扶桑東颺輪歛上征八龍儼來從整
佩訪金母弭節朝玉童津津九霞觴繁繁方諸宮授以
至道言所濟良無窮却馭俯倒景八表空冥濛

從軍行

投筆出虎觀從軍事龍韜平生弧矢志誰慙五陵豪大
江天宇晴平明集千艘組練照雲日戎師候旌旄一笑